

sey / dem ich gnedig gewest bin / Vnd das ich
im gar nicht gnedig gewest sey / weder vmb
seiner gerechtigkeit noch vmb der werck des
gesetzes willen.

Wol weis ich / das dis Ebreische wort /
Kara / Predigen / kan auch heissen / ruffen / nen
nen / lesen / wie auch Eyra vnd Burgensis zen
gen / darnach es einen Buchstaben anders
vnd anders vmb sich hat / Aber wie es hie ste
het mit dem wörtlin / In / heisset gemeinige
lich Predigen / Gen. 4. 12. 13. Vnd ob das
gleich die Rabinen oder zencfische Ebreisten
nicht an nemen / Da ligt mir nicht macht an /
Mir ist gnug daran / wie ich offit gesagt / wenn
sich Mose wort / nach guter art der Ebreischen
sprache / so fein vnd gerne ablöset vnd gibt /
von der Rabinen genötigeter deutung / zum
newen Testament / das iderman sagen mus /
(wer der sprachen kündig ist / ob er schon
nicht ein Christen were) Wolan / wenn der
Christen glaube recht ist / So hat warlich Mo
se / mit diesen Worten iren verstand gehabt /
Denn die wort reimen sich doch nirgent so
fein vnd gewis / als zum newen Testament /
Vnd auff solche weise wolt ich gerne / die gan
tze Ebreische Bibel den Jüden / nemen von
iren schendlichen / lesterlichen glosen / Aber es
ist nicht eines mannes arbeit / Es ist gnug /
andern / die gelerter sind denn ich / ein exempel
oder mehr